



## ՀԱՅՐԱՊԵՏԱԿԱՆ ԲԱՐՁՐ ԳՆԱՀԱՏՈՒԹՅՈՒՆ

Վեհափառ Հայրապետը, ընդառաջելով Բուենոս Այրեսի հայոց հոգևոր տեսուչ Ս. Գրիգորիս վարդապետ Բունիայանի միջնորդությանը, բարեհաճել է իր բարձր ուշադրությանն արժանացնել Բուենոս Այրեսի հետևյալ քահանա հայրերի եկեղեցանվեր, անձնուրաց ծառայությունները և կատարել հետևյալ շնորհաբաշխությունները.

1. Ավագ քահանայության պատիվ և ծաղկյա փիլոն կրելու իրավունք է շնորհվել Ս. Արջամ քահանա Պոպոյանին:

2. Քահանայական լանջախաչ՝

Ս. Վազգեն քահանա Ստեփանյանին և Ս. Մատթեոս քահանա Գոյումճյանին:

Դարձյալ Ս. Գրիգորիս վարդապետի միջնորդությամբ՝

3. Հայրապետական օրհնության կոնդակների են արժանացել՝

Տիկին Մարթա Դիարբեքիոյանը, իր բազմաթիվ բարեգործությունների, եկեղեցաշեն և կրթանվեր ծառայությունների համար թե՛ Ռումինիայում և թե՛ Արգենտինայում:

Բուենոս Այրեսի հայոց «Ս. Գրիգոր Լու-

սավորիչ» երգչախումբը՝ իր գործունեության 25-ամյակի և տեղի հայ եկեղեցիներում իր կատարած հոգեբույժ երաժշտական ծառայությունների համար:

Եգիպտոսի հայոց բարեխնամ առաջնորդ Ս. Չավեն արքեպիսկոպոս Չինչինյանի միջնորդությամբ իրենց եկեղեցանվեր, ազգային, կրթական, համայնքային գործունեության համար «Ս. Ներսես Շնորհալի» շքանշանի են արժանացել.

1. Տիար Էլիաս ձերաիյանը, Ադիս Աբեբա, գաղութային ժողովի ատենապետ.

2. Տիար Պերճ Կարապետյանը, նույն քաղաքի ազգային վարժարանի պահպանմանը իր նյութական և բարոյական ջանքերի համար.

3. Տիար Ավետիս Թերյանը, եթովպահայ կյանքում իր կատարած 50-ամյա եկեղեցական և ազգային գործերի համար.

4. Տիար Էդվարդ ձերեճյանը, Խարթումի համայնքի նախագահ, իր կատարած եկեղեցական-ազգային ղեկավարության համար: